



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1649

§. 5. De Regionibus & incolis Peloponnesi.

urn:nbn:de:hbz:466:1-13167

QUANTITAS. Latitudini eius Ptolemæus constituit à Tena-riâ Promont. ad Corinthum 1250. stadia; Longitudini à Cheloni-te Pro. ad Scylleum Pro. tres gradus cum dimidio, qui reuocati ad magnum circulum ex eius computo reddunt 1750. stadia.

QUALITAS. Regio hæc olim sicciior erat, quare ab Homero dicitur πολυδίψος: admodum siticulosa: sed cum antea ἄνυδρος esset, ἔνυδρον eam reddidit Danaus, qui impetrauit à Neptuno vnam ex filiabus suis deamante vt lernam tridente percussam perennibus aquis fluere iuberet. Aluit & equos nobiles, quare ab Homero ἰππόβοτος dicitur, & Horatius Argos equis aptum occinit. In medio autem steriliior est quare Arcades αὐτόχθονες sunt; ad mare fertiliior, ideo eius incolæ ἐπίλιδες aduentitij, atque peregrini.

POLITIA. Hercules ex Mycenarum Regibus oriundus erat, at Eurystheus demortui stirpem exterminare conatus est. Verum Hyllus Princeps Heraclidarum, cum auxilio Thesei, Eurystheum bello aggressus est atque cecidit, neque tamen victoriâ frui potuit, tum quia Atreus Eurysthei auunculus regnum Mycenarum occupauit, qui Heraclidas aditu Peloponnesi prohibuit, tum quia Hyllus ab Echemo Arcadum Rege interfectus est 20 annis post ἄλωσιν Troiæ: itaque hic primus Heraclidarum conatus irritus fuit. Sed post annos centum iidem Herculis posterij expeditionem suscipere duce Oxilo, quemadmodum ab oraculo moniti erant, & occupauere Argiam, Messeniam, & Laconiam. Achaïam non attigerunt, vbi tum degebant Iones; hi tamen eieciti sunt ab Acheis expulsis. Elidenfes seruati sunt in gratiam Iouis Olympij, Arcadas regio asperior, & montibus abrupta defendit.

§. 5. De Regionibus, & incolis Peloponnesi.

NVM. I. De Achaïâ propriâ, & Achæis.

NOMEN. Primùm dicta fuit *Agialis* propter vrbes in littore constitutas; tum *Ioniam* ab Ionibus qui hîc diu habitauerunt, quibus expulsis per Achæos *Achata* dicta est; cui cognomen *Propria* Ptolemæus adiunxit; Theophrastus *Achaïam Peloponnesi* dixit. Porro hæc aliquando dilaturatur, tumque continet *Sicyoniam*, & *Corinthiam*, de quibus in Geographicâ descriptione. *Sicyonia* autem à quibusdam *Afopia* dici videtur ab Afopo Fl. sed tum meo iudicio pars pro toto sumitur.

QUALITAS. Regio circa Corinthum rupibus, & faxis aspera, collibus & vallibus inæqualis apud Pausaniam legitur in Corinthiacis, Sicyonia, & Achaia lætiores, & amœniores agros habuere.

MORES. Deditissimi fuere navigationi *Corinthij*, & apud eos primùm triremes Græcæ constructæ sunt, maioresque naues. Apud Corinthios olim nemo ciuis habebatur nisi ex patre & matre Corinthiis natus; postea satis fuit ex alterutro nasci, modò aliquid pensaretur. Vasa hinc pulcherrima, quæ Corinthia, non tantùm ob temperaturam, sed & ob sculpturam: nugantur enim quæ Corinthium dictum esse autumant à metallis in incendio Corinthiaco in massam vnam coactis. *Sicyonij* peritissimi fuere artifices, itémque religionibus addictissimi: Capram æneam colebant in foro, ne cælestis capra vitibus suis noceret. Superstitiosi admodum fuisse leguntur *Achai*.

POLITIA. *Achai* Reges habuere primum Tisamenem filium Orestis: exinde Democratico statu vsi sunt, eoque optimo: postea Remp. suam Prætoribus commiserunt, inter quos maximè laudantur Aratus, & Philopæmen. Demùm à C. Mummiò, excisa Corintho, Romanis subditi sunt. Idem quoque *Sicyoniis* contigit, & qui Achæis ab Arato iuncti erant eandem à Romanis sortem experti sunt. *Corinthij* denique primùm regibus Argiuis subditi, sibi ex Sisyphi familiâ Reges delegere: postea à 200. Bacchiadis ex Hercule natis regnum administratum est; ij sibi vnum è suo corpore præficiabant. Tyranni quoque in eam irrepserunt Cypselus & Periander. Sui iuris facti Philippo Macedoni sese submiserunt; ac demum cum legatos Romanos tractassent iniuriosius, pessimè multati sunt, Corinthoque excissâ, altero se orbatam oculo Græcia ingemuit..

N V M. 2. De Elide, & Elidensibus, seu Eleis.

NOMEN. Antea indigenæ *Epei* nominabantur, quorum meminit Homerus, sic dicti ab Epeo Rege. *Elidenses* autem ab vrbe Elide nuncupati, vel Rege Eleo; duoque populi in vnum corpus, & nomen coaluerunt.

QUALITAS. Regio fertilissima est Pausaniæ: abundabat quoque Moris & Bombycibus, ex quibus sericæ vestes conficiebantur. Hinc quoque Equi generosissimi accersebantur. Item herba Cen-

taurea hîc nascebatur teste Plinio ; denique linum bisinum laudatissimum.

MORES. Sacri Diis censebantur Elidenses, ideóque religiosissimi erant. Deum quemdam Myagrum colebant qui muscas abigeret, eæ autem pestem solebant inducere. Apud eos fœminæ quinto quoque anno in festo Iunonis cursu contendebant, sed sextâ parte stadium coërcebatur. Hîc ortas controuersias selectæ à Republicâ fœminæ prudentissimè composuerunt.

POLITIA. Primùm Regibus paruere, inter quos censebatur Endymion amatus à Lunâ, Epeus, & Eleus (à quibus nomina populis indita sunt) Augias cuius stabula purgauit Hercules, Iphitus ludorum Olympicorum instaurator. Iis sublatis Democraticum statum elegerunt, mox Oligarchicum : Tyrannos etiam aliquos experti sunt. Demum Romanorum iugum sponte subierunt, à quibus contra Achæos adiuti sunt.

N V M. 3. De Messeniâ, & Messeniis.

NOMEN. Dicta est *Messenia* à Messene Phorbantis Argiui filiâ, quæ Imperium peperit marito suo Polycaoni filio Lelegis homini priuato : ita *Pausanias*.

QUALITAS. Temperatissima est *straboni*, & egregiè rigua, ideóque alendis armentis, & gregibus peropportuna est.

MORES. Hoc celeberrimum apud eos fuit, quod in ciuitate suâ Epicureos Philosophos non tolerarent.

POLITIA. Primùm à Regibus administrata est Messenia, inter quos celebrantur Idas, Lynceus, Nestor. Eius quoque parti imperarunt Machaon, & Podalyrius filij Æsculapij. Posterioribus temporibus sibi Duces elegerunt, de quibus *Pausaniam* leges. Eorum vltimus fuit Aristomenes, quo sublato Lacedæmonij Messeniam totam sibi vindicarunt.

N V M. 4. De Laconiâ, & Laconibus, seu Lacedæmoniis.

NOMEN. Dicta est primùm *Lelegia*, à Rege *Lelege*, mox *Oebalia* ab alio Rege *Oebalo*, postea *Lacedæmon*, quo nomine Messenia quoque continebatur, à Lacedæmone Rege dicta, qui ex Taygetâ vxore Eurotam filium suscepit ; denique *Laconia*. Antiquitùs qui-

quidem dicta videtur fuisse Achaicum Argos, item Hecatompolis, ob centum vrbes quæ in eâ numerabantur.

QUALITAS. Hæc regio campos habuit admodum fertiles, & ob inæqualitatem cultu difficiles, ait *Strabon lib. 8.* Terræ motibus valdè obnoxia fuit, quibus Taygetæ montis cacumen deiectum fuisse tradit *Plinius lib. 2.* ad Tænarum Pro. preciosa marmora effodiebantur. Mons Taygeta venationi peropportunos, & exercendæ iuuentuti.

MORES. Pueri hîc optimè enutriebantur; neque enim parentibus relinquebantur liberi erudiendi, sed id Respublica præstabat. Ad rem militarem Lacedæmonij vitam omnem suam referebant, ideoque asperior erat, vt eam facillè relinquerent, si ita patriæ salus postularet. Adolescentibus licitum erat esculenta suffurari, sed deprehensi atrociter vapulabant. Ante plenam Lunam non dimicabant: numquam fugiebant, & aduersa vulnera non tantum mortuis, sed etiam parentibus superstitionibus erant ignominiosa. Ante prælium sacrificabant Musis, vt ex ratione, non irâ pugnarent. In purpurâ procedebant ad bellum, in purpurâ cæsi sepeliebantur. Sermo eorum breuis & expeditus, & gladiis Laconicis planè similis. Reliqua petes ex Plutarchi Lycurgo, & aliis qui de Lacedæmoniorum Rep. scripserunt.

POLITIA. Regibus suis paruere, quorum potestatem Lycurgus restrinxit. Theopompus quoque adiunxit sibi Ephoros, & immunit auctoritatem Regiam (vt aiebat) quòd eâ firmiore vteretur. Diu inter Græcos primas tenuerunt, quandiu fortitudinem inopiæ iunctam coluerunt, sed hâc deletâ, illa quoque emarcuit. Tempore Lysandri trecentis nauibus bellum gessere. A Thebanis ad Leuctra Bœotiz domiti superbiam posuerunt, retinere tamen libertatem, quam etiam fortiter contra Macedones tutati sunt. Cùm autem Tyrannis cessissent in prædam Achæis sese coniungere, à quibus tamen oppressi sunt. Sed demum Romanis subditi Reip. formam iis adnitentibus restituere, & ab iis vt socij culti sunt. Dubitat Plato quis Spartæ status fuerit an Monarchicus ob Reges, an Aristocraticus ob Γερουσιον, seu Concilium Senum, an Democraticus propter Ephoros, qui quasi Tribuni plebis extiterent. Diu Spartæ duo Reges, qui rarè inter se conuenere; duplex enim Regum familia Eurysthenidarum, seu Agidarum celebrior, & Proclidarum, seu Eurypontidarum, ex quâ magnus Agesilaus fuit.

N V M. 5. De Argolide, seu Argiâ, & Argiuis.

NOMEN. *Argolis* nominatur à Pomponio Melâ, *Argia* à Ptolemæo: & nomen hoc ab Argo deductum est, vnde & Argiui dicti, qui postea à Danao Danaï nuncupati sunt, vt præmonuimus.

QUALITAS. Hæc Regio olim paulò siccior fuit, vt ex fabulis intelligimus, postea fontibus inuentis & apertis facta est palustris: vnde nata fabula Hydræ in Lernâ palude, quæ nihil aliud fuit quàm fons, cuius scaturiginem dum obstruere conabatur Hercules, ex tribus capitibus aqua exiliebat; neque reprimi potuit, nisi admoto igne, quo aqua repressa est in terrâ penetrata, vt habemus ex Isaacio Lycophronis Scholiaste. Vitifera quoque erat regio, & modum putandæ vitis se ab Asino recepisse gloriabantur Argiui, qui depastus vineæ pampinos eam feracem reddiderat. Hinc quoque Equi plurimi, vnde Argos *ἰππόβοτον*, vt prænotauimus.

MORES. Rescidere sibi capillum ex quo victi sunt à Lacedæmoniis pro Thyreâ. Musici excellentissimi fuere, ineptissimi oratores. In suorum funere veste candidâ amiciebantur, ait Plutarchus. De eorum superstitione multa apud Plutarchum, & Pausaniam ediscas.

POLITIA. Reges suos habuere ex Inacho ortos; qui primùm Argos, non Mycenæ regni sui sedem habuere. Pelopidæ deinde iis successere, & his Heraclidæ. Postea sui quasi iuris retento Regis nomine eius auctoritatem summam imminuere; ac demùm Achæis iuncti in ditionem Romanam transiere.

N V M. 6. De Arcadiâ, & Arcadibus.

NOMEN. Olim *Pelasgia* dicta fuit à Pelasgo primo eius Rege, sed cum filia Lycaonis eius filij, Calysto dicta, à Ioue compressa Arcadem genuisset, nepotis nomen inductum est, expuncto aui nomine.

QUALITAS. Regio erat montosa, & syluestris: vnde equi hîc plurimi, & Asini laboris patientissimi; quare abiit in Parcemiam *pecus Arcadicum*. Diu glandibus Arcades victitarunt. De aquâ Stygis dicemus in Admirandis.

MORES. Ante Lunam se natos fabulabantur; vnde & dicti